



SLUŽBENI GLASNIK OPĆINE ŽIVINICE

GODINA LIII

08. JUNI 2017. GODINE

BROJ 10

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“ broj: 49/06 i 51/09), člana 24 Statuta općine Živinice („Sl. glasnik općine Živinice“ broj 4/12 i 11/13), člana 39. Zakona o socijalnoj zaštiti, zaštiti civilnih žrtava rata i zaštiti porodica sa djecom-prečišćeni tekst („Sl. Novine TK“ broj: 5/12, 7/14, 11/15, i 13/16), Općinsko vijeće Živinice na sjednici održanoj 25.05.2017. godine, donosi

ODLUKU

O izmjeni odluke o uslovima i postupku za ostvarivanje prava na proširene oblike socijalne pomoći u općini Živinice

Član 1.

Član 9. stav 2. Odluke o uslovima i postupku za ostvarivanje prava na proširene oblike socijalne pomoći u općini Živinice („Sl. glasnik općine Živinice“ broj 5/17) mijenja se i glasi:

„Protiv prvostepenih upravnih akata JU „Centra za socijalni rad“ Živinice donijetih u skladu sa ovom Odlukom nezadovoljna stranka može izjaviti žalbu u roku od osam dana Komisiji za rešavanje o žalbama u drugostepenom postupku općine Živinice“.

Član 2.

Odluka stupa na snagu danom donošenja, a objavit će se u „Službenom glasniku općine Živinice“.

O b r a z l o ž e n j e

Općinsko vijeće Živinice je usvojilo Odluku o uslovima i postupku za ostvarivanje prava na proširene oblike socijalne pomoći u općini Živinice („Sl. glasnik općine Živinice“ broj 5/17). U članu 9. stav 2. navedene odluke definisano je da: „ Protiv prvostepenih upravnih akata JU „Centra za socijalni rad“ Živinice donijetih u skladu sa ovom Odlukom nezadovoljna stranka može izjaviti žalbu u roku od osam dana Ministarstvu za rad i socijalnu politiku TK“.

Dopisom Ministarstva za rad, socijalnu politiku i povratak broj 09/1-35-8579/17 od 30.03.2017. godine upućenom Predsjedavajućem općinskog vijeća i Općinskom načelniku, kao i na kolegiju Općinskog vijeća zaključeno je da se izvrši izmjena navedene odluke u smislu člana 9. stava 2.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA ŽIVINICE
OPĆINSKO VIJEĆE
Broj:10-05-3737/2017
Živinice,25.05.2017. godine

PREDSJEDAVALAČI
OPĆINSKOG VIJEĆA
Hamdija Numanović,s.r.

Na osnovu člana 13. Zakona o principima lokalne samouprave („Službene novine FBiH“, broj: 49/06 i 51/09), člana 34. Zakona o radu („Službene novine FBiH“, broj: 26/16) i člana 24. i 118. Statuta općine Živinice („Službeni glasnik općine Živinice“, broj: 4/12 i 11/13), Općinsko vijeće Živinice na sjednici održanoj dana 25.05.2017.godine, donosi

ODLUKU

O stručnom osposobljavanju bez zasnivanja radnog odnosa nezaposlenih osoba visoke stručne spreme (VSS) i srednje stručne spreme (SSS)-IV stepena

Član 1.

Ovom Odlukom definiše se postupak i kriteriji za odabir nezaposlenih lica VSS i SSS za obavljanje stručnog osposobljavanja bez zasnivanja radnog odnosa nezaposlenih lica sa područja općine Živinice, te način zaključivanja ugovora i finansiranje stručnog osposobljavanja bez zasnivanja radnog odnosa.

Član 2.

U skladu sa ovom odlukom, Općinski načelnik raspisat će Javni poziv pravnim subjektima iz javnog, privatnog i nevladinog sektora sa područja općine Živinice da na osnovu vlastitih mogućnosti iskažu spremnost za prijem lica za obavljanje stručnog osposobljavanja bez zasnivanja radnog odnosa po vrstama zanimanja.

Član 3.

Pravni subjekti dužni su obezbijediti mentora odgovarajućeg zanimanja licima koje su spremni primiti na obavljanje stručnog osposobljavanja bez zasnivanja radnog.

Član 4.

Nakon što pravni subjekti iz javnog, privatnog i nevladinog sektora sa područja općine Živinice iskažu spremnost za prijem lica za obavljanje stručnog osposobljavanja bez zasnivanja radnog odnosa i utvrdi se broj osoba za svako zanimanje, Općinski načelnik raspisat će Javni poziv za prijavljivanje zainteresovanih lica sa VSS i SSS za obavljanje stručnog osposobljavanja bez zasnivanja radnog odnosa.

Član 5.

Za Program obavljanje stručnog osposobljavanja bez zasnivanja radnog odnosa nezaposlenih lica sa završenom VSS utrošiti će se 70 % i SSS stručnu spremu 30 % u budžetu planiranih sredstava za tekuću godinu na poziciji „Doprinosi za zdravstveno osiguranje određenih korisnika na teret budžeta-Program volontiranja“ (za svaku budžetsku godinu-2017, 2018, ...), a u slučaju da bude veći broj zahtjeva sa SSS nego za VSS ili obratno izvršit će se preraspodjela sredstava u okviru predloženih budžetskih sredstava.

Član 6.

Odabir nezaposlenih osoba VSS i SSS stručne spreme koje će obavljati stručno osposobljavanje bez zasnivanja radnog odnosa izvršit će se uz poštivanje pozitivnih zakonskih

propisa i sljedećih kriterija:

- Vrijeme provedeno na evidenciji nezaposlenih osoba kod BIRO-a za zapošljavanje Živinice nakon sticanja VSS i SSS, pri čemu se kandidati obavezno rangiraju na osnovu vremena provedenog na birou nakon sticanja odgovarajuće stručne spreme za koju konkurišu na javni poziv;
- Dobrovoljni pristanak uz potpisanu i ovjerenu izjavu kandidata da prihvataju obavljanje stručnog osposobljavanja bez zasnivanja radnog odnosa bez naknade za rad, naknade za topli obrok, prevoz i drugih naknada.

Član 7.

Ukoliko više osoba sa istom vrstom zanimanja ima isti vremenski period nezaposlenosti, evidentiran na BIRO-u za zapošljavanje općine Živinice, prednost imaju kandidati po sljedećem redoslijedu:

- kandidati iz porodica šehida i poginulih boraca (PŠ/PB),
- kandidati iz porodica ratnih vojnih invalida (RVI),
- kandidati iz porodica demobilisanih boraca (DB),
- kandidati sa većim prosjekom ocjena.

Član 8.

Odabir pravnih subjekata i nezaposlenih osoba VSS i SSS koje će obavljati stručno osposobljavanje bez zasnivanja radnog odnosa u gore navedenim ustanovama i drugim pravnim subjektima, kao i druge neophodne proceduralne radnje, izvršit će Komisija za provođenje postupka i odabir kandidata za obavljanje stručnog osposobljavanja bez zasnivanja radnog odnosa, sastavljena od tri člana, koju će posebnim rješenjem imenovati Općinski načelnik.

Član 9.

Komisija iz Člana 8. ove odluke, utvrđuje Rang listu kandidata na koju nezadovoljni kandidati imaju pravo prigovor.

Prigovor se izjavljuje u roku od 8 (osam) dana od dana objavljivanja Rang liste, a podnosi se Komisiji Općinskog vijeća za žalbe u drugom stepenu.

Nakon odluke Komisije općinskog vijeća za žalbe u drugom stepenu, Komisija za provođenje postupka i odabir kandidata za obavljanje stručnog osposobljavanja bez zasnivanja radnog odnosa, objavit će Konačnu rang listu kandidata koji će obaviti stručno osposobljavanje bez zasnivanja radnog odnosa.

Član 10.

Javni pozivi, Rang lista i Konačna rang lista lica za obavljanje stručnog osposobljavanja bez zasnivanja radnog odnosa objavit će se na TV Živinice, WEB stranici i oglasnoj tabli općine Živinice, a bit će otvoreni 15 (petnaest) dana od dana objavljivanja.

Član 11.

Nakon odabira kandidata za obavljanje stručnog osposobljavanja bez zasnivanja radnog odnosa, Općinski načelnik na prijedlog Komisije za provođenje postupka i odabira kandidata, po potrebi će za osobe koje će biti angažovane kao lica za stručno osposobljavanje bez zasnivanja radnog odnosa u obrazovnim i drugim ustanovama pribaviti saglasnost nadležnih ministarstava

Vlade Tuzlanskog kantona, nakon čega će sa ustanovama i drugim pravnim subjektima koji su iskazali spremnost za prijem lica za obavljanje stručnog osposobljavanja bez zasnivanja radnog odnosa zaključiti Ugovore o obavljanju stručnog osposobljavanja bez zasnivanja radnog odnosa.

Navedenim Ugovorom će se utvrditi međusobna prava i obaveze između općine Živinice i pravnog lica koje prima lica za obavljanje stručnog osposobljavanja bez zasnivanja radnog odnosa.

Pojedinačne ugovore sa svakim kandidatom za obavljanje stručnog osposobljavanja bez zasnivanja radnog odnosa zaključit će pravni subjekti koji su iskazali spremnost za prijem istih.

Izuzetno iz stava dva ove tačke, Općinski načelnik može zaključiti pojedinačne ugovore sa licima za obavljanje stručnog osposobljavanja bez zasnivanja radnog odnosa u slučajevima kad to nadležne institucije Tuzlanskog kantona odbiju uraditi a iskažu spremnost za prijem kandidata.

Član 12.

Općina Živinice preuzima finasijske obaveze koje proističu iz zakonskih i drugih propisa koje se odnose se na osiguranje kandidata za obavljanje stručnog osposobljavanja bez zasnivanja radnog odnosa za slučajeve profesionalne bolesti i povreda na radu.

Naknade za obavljanje stručnog osposobljavanja bez zasnivanja radnog odnosa, topli obrok i druge naknade, općina Živinice ne može isplaćivati.

Broj angažovanih kandidata za obavljanje stručnog osposobljavanja bez zasnivanja radnog odnosa uvjetovan je visinom planiranih sredstava u općinskom budžetu za tekuću godinu u kojoj se raspisuje javni poziv.

Član 13.

Ovlašćuje je se Općinski načelnik da preduzme i druge radnje neophodne za uspješnu realizaciju Programa obavljanje stručnog osposobljavanja bez zasnivanja radnog odnosa.

Član 14.

Odluka stupa na snagu danom donošenja, a objavit će se u „Službenom glasniku Općine Živinice“.

O b r a z l o ž e n j e

Pravni osnov za donošenje ove Odluke proizilazi iz člana 13. Zakona o principima lokalne samoprave (Službene novine FBiH, broj:49/06 i 51/09), člana 34. Zakona o radu („Službene novine FBiH“, broj: 26/16), član 24. Statuta općine Živinice („Službeni glasnik općine Živinice“ broj 4/12 i 11/13) i planiranih sredstava u Budžet općine Živinice za tekuću godinu.

Svake godine sa Biroa za zapošljavanje općine Živinice osobe sa VSS i SSS IV stepena koje prođu konkursnu proceduru kroz obavljanje stručnog osposobljavanja bez zasnivanja radnog odnosa steknu uslov za polaganje stručnog ispita i osposobe se za rad u svojoj struci.

U općinskom budžetu za tekuću budžetsku godinu planirat će se sredstava na poziciji „Doprinosi za zdravstveno osiguranje određenih korisnika na teret budžeta-Program volontiranja“ u iznosu koje usvoji Općinsko vijeće, kako bi se izvršila realizacija ovog programa (budžet 2017, budžet 2018, budžet 2019, ...).

Zbog svega navedenog predlažemo donošenje ove Odluke i realizaciju Programa obavljanja stručnog osposobljavanja bez zasnivanja radnog odnosa na predloženi način.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Broj: 10-05-3734/2017

Datum: 25.05.2017. godine

**Predsjedavajući
Općinskog vijeća**

Hamdija Numanović,s.r.

Na osnovu člana 24. Statuta općine Živinice ("Službeni glasnik općine Živinice" broj: 4/12 i 11/13), Budžeta općine Živinice za 2017. godinu ("Službeni glasnik općine Živinice" broj: 1/17) i raspisanog Javnog poziva broj: 01/2-05-89-27/17 od 13.01.2017. godine, Općinsko vijeće Živinice na svojoj sjednici održanoj dana, 25.05.2017. godine, donosi

ODLUKU

O davanju saglasnosti Općinskom načelniku u vezi konačne realizacije projekata sufinansiranja ("građani-općina") po principu M:M

I

DAJE se saglasnost Općinskom načelniku za konačnu realizaciju projekata-programa "sufinansiranja po principu M:M", za projekte asfaltiranja puteva, izgradnje ulične-javne rasvjete, vodovodi i kanalizaciona mreža.

II

Ukupno iznos Budžetske pozicije koja glasi: "Podrška za investicione aktivnosti u MZ-a po principu M:M (50% Općina i 50% Građani)", a koje je nastalo nakon kandidovanih projekata-programa od strane MZ-a je u iznosu od **935.152,97 KM**, i isti će biti sufinansirani iz Budžeta općine Živinice u 2017. godini.

III

Općinski načelnik će odmah obaviti sve neophodne radnje za pokretanje procedura javnog nadmetanja za sve kandidovane projekte-programe, koji ispunjavaju uslove iz Javnog poziva, a sve u skladu sa Zakonom o javnim nabavkama.

Obavezuje se Općinski načelnik da ukoliko dođe do poremećaja cijena na tržištu rada i usluga, ili eventualno nekih drugih nepredviđenih okolnosti, da razliku sredstava finansira iz Budžeta općine Živinice.

IV

Obavezuje se Služba za budžet i finansije općine Živinice, da Budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)", Ekonomski kod 613 724, finansijski putem rebalansa Budžeta općine Živinice za 2017. godinu uskladi sa iznosom iz tačke II.

U slučaju da ne bude rebalansa budžeta za 2017. godinu, daje se saglasnost Općinskom načelniku da Budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)", Ekonomski kod 613 724 smije povećati do iznosa iz tačke II navedene odluke.

V

Odluka stupa na snagu danom donošenja, i objavit će se u Službenom glasniku općine Živinice.

O B R A Z L O Ž E N J E

Predmet donošenja ovakve odluke su projekti-programi koje su kandidovali građani iz MZ-a u 2017. godini, po principu sufinansiranja M:M (za projekte infrastrukture iz oblasti asfaltiranja puteva, izgradnje ulične-javne rasvjete, vodovodne i kanalizacione mreže). Obzirom da su građani iskazali veliki interes za implementaciju ovih projekata-programa, a u Budžetu općine Živinice je u 2017. godinu planirano na budžetskoj poziciji: "Podrška za investicione aktivnosti u MZ-a po principu M:M (50 % općina i 50 % građani)" Ekonomski kod 613 724, iznos od 300.000,00 KM. Rebalansom budžeta za 2017. godinu treba prihvatiti iznos iz tačke II, ali ukoliko ne bude Rebalansa prije konačnog potpisivanja ugovora, da bi se okončala kompletna procedura oko javnih nabavki navedena Odluka je predložena u datom obliku.

Na osnovu objavljenog Javnog poziva od strane Općinskog načelniku broj: 01/2-05-89-27/17 od 13.01.2017. godine, građani iz svih MZ-a sa područja općine Živinice su imali pravo da apliciraju sa svojim zahtjevima, gdje je nakon zatvaranja Javnog poziva uočeno da je planirana Budžetska pozicija nedovoljna kako bi se pristupilo implementaciji kandidovanih projekata.

Nakon sumiranja svih pristiglih aplikacija od građana iz MZ-a utvrđeno je da je neophodno povećati gore navedenu Budžetsku poziciju i to u iznosu kako je navedeno u tački II ove Odluke, nakon čega bi se stvorili uslovi pristupanja realizacije kandidovanih projekata-programa iz Javnog poziva.

Za asfaltiranje putnih dionica od strane 14 Mjesnih zajednica kandidovano je 20 projekata (građevinskih odbora). Dužina asfaltirane površine je oko 5.462 m. Za navedenih 20 projekata nedostaje 49.009,82 KM, i za iste imamo obećanje da će građevinski odbori do kraja procedure sakupiti nedostajuća sredstva.

Za izgradnju ulične rasvjete od strane 9 Mjesnih zajednica kandidovano je 18 projekata (građevinskih odbora). Dužina ulične rasvjete je oko 14.385 m. Za navedenih 18 projekata nedostaje 19.955,57 KM, i za iste imamo obećanje da će građevinski odbori do kraja procedure sakupiti nedostajuća sredstva.

Za izgradnju i rekonstrukciju vodovoda i kanalizacione mreže od strane 5 Mjesnih zajednica kandidovano je 8 projekata (građevinskih odbora). Za navedenih 8 projekata nedostaje 3.555,05 KM, i za iste imamo obećanje da će građevinski odbori do kraja procedure sakupiti nedostajuća sredstva.

Iz svega navedenog, posebno zbog činjenice da su ovo projekti građana koji čekaju implementaciju istih, predlaže se Općinskom vijeću da prihvati ovu odluku kako je ponuđena u prijedlogu.

Z/Z-S/Č

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE ŽIVINICE
Broj:10-05-3736/2017
Dana,25.05.2017.godine

PREDSJEDAVAJUĆI
OPĆINSKOG VIJEĆA

Hamdija Numanović,s.r.

„Službeni glasnik Općine Živinice“
broj: 10/2017

SADRŽAJ

I - AKTI OPĆINSKOG VIJEĆA

1. Odluka o izmjeni Odluke o uslovima i postupku za ostvarivanje prava na proširene oblike socijalne pomoći u općini Živinice..... 2
2. Odluka o stručnom osposobljavanju bez zasnivanja radnog odnosa nezaposlenih osoba visoke stručne spreme (VSS) i srednje stručne spreme (SSS) - IV stepena..... 3
3. Odluka o davanju saglasnosti Općinskom načelniku u vezi konačne realizacije projekata sufinansiranja ("građani-općina") po principu M:M..... 7

"Službeni glasnik općine Živinice" uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcinazivinice.ba